

Futbola

Arraunketa

Athleticen zale izatearen harrotasuna

Milaka bildu ziren atzo Bilboko Etxebarria parkean, euri zaparrada artean

Athleticen peñen kongresuak milaka zale bildu ditu Bilbon, taldeko zuzendaritzak espero baino gehiago. Giro itzela izan zen atzo Etxebarria parkean, eta peñetako kideek Luis Fernandez eta Julen Guerreroren bisita jaso zuten. Zale asko kexu ziren, ezingo dutelako ikusi Oviedoren aurkako partidua igande arratsaldean jokatu delako.

Ramon Basaldua / Bilbo



Julen Guerrero, jendez inguratuta atzo.

MIKEL MARTINEZ

ko direktibak espero baino zale gehiago etorri direla Bilbora kongresuan parte hartzera. «Sekulako giroa dago, eta zaleei berdin die euria bota ala ez. Egia esateko, jende pilo etorri da, guk espero genuen baino gehiago. Alde batetik ondo dago, baina arazoak izango ditugu guztientzako sarrerak lortzeko igandeko partidurako», esan zuen atzo Jokin Barcenak, Athleticen zuzendaritzako kideak. Nolanahi ere, badira zale batzuk etxera itzuli beharko dutenak Oviedoren aurkako partidua ikusi barik. «Hamalau ordu egin ditugu autobusean Cadiztik Bilbora etortzeko, eta Athleticen partidua

ikusiko barik itzuli beharko dugu. Oviedok ez duelako onartu larunbatean jokatzeko. Ez dago eskubiderik», zioen atzo Athleticen Cadizko peñako kide batek. Beste batzuk, berriz, lehen aldiz izango dira Katedralean talde zuri-gorria ikusten.

Zarra, Fernandez eta Guerrero ere han ziren • Telmo Zarraonaindia Zarra, Luis Fernandez eta Julen Guerrero Etxebarria parkean izan ziren atzo eguerdian. Peñetako kideek sekulako maitasuna diote Athleticen kapitainari, eta hark arazoak izan zituen ibiltzeko zaleek inguratu egiten zutelako. Zarra gustura ari zen bere

sasoiko ohiturak gogoratzen. «Partidua nuen egunetan, askotan, Mungiako frontoira joaten nintzen pilotaka. Ostean ez nuen ezer bazkaltzen, partiduan arinago egon nahi nuelako».

Guggenheim museoa ikusteko aukera izan zuten Athleticen peñetako kideek, eta iluntzean Begoñako Basilikan bildu ziren kongresuko bandera bedeinkatzeko. Egunari amaiera emateko, reggae jaialdia izan zen. Peñen Kongresua gaur eguerdian amaituko bada ere, peñetako kideak Bilbon izango dira bihar arratsaldera arte. Besteak beste, Kiko Venenoren kontzertua izango da ikusgai. X

Guerrero: «Irabazi egin behar da, UEFA ziurtatzeko»

■ San Mames leporaino beteko da bihar arratsaldean Oviedoren aurkako partidu garrantzitsuan

R. Basaldua / Bilbo

HESIRIK gabeko San Mames eza-gutu zuten atzo Athleticen jokalariek bertan egin baitzuten lan saioa ateak itxita. Horretaz gain, zuri-gorriak konforme azaldu ziren zelaiaren egoerarekin, Pavarottiren kontzertuaren ostean bedartzaren zati batzuk kalte-tuta geratu ziren arren. Luis Fernandez mutilek mezu bera zabaltu dute aste guztian: irabazi egin behar zaio Oviedori San Mamesen UEFarako txartela ziurtatzeko. Helburu hori lortuta beste gauza batzuetan pentsa daitekeela dio Julen Guerrerok. «Txapeldunen Ligarako txartela eskuratzeko irabazi egin behar

ditugu geratzen zaizkigun hiru partidua. Nolanahi ere, argi dago Real Madrid dela aukera gehien duena», esan zuen atzo Athleticen kapitainak.

Guerrerok dio Valladolid eta Compostelaren aurkako partiduetan izandako pazientzia izan behar dela Oviedoren aurka. «Lasai jokatu behar dugu, presarik gabe. Athleticen erakutsi du partidua azken minutuetan irabaz ditzakeela. Gainera, baliteke igandekoa norgehiagoka irekia izatea, Oviedori puntu batek ez diolako ezer konpontzen». Bittor Alkizaren iritziz, Athleticen arobetxatu egin behar du Oviedoren egoera txarra. «Aurkariaren egoera larria da, azken sei jardunal-

dietan ez dutelako punturik lortu. Etekin atera behar diogu egoera horri».

Igandeko partiduan kontu handia izan beharko da epailearen lanarekin. Athleticen sei jokalarik launa txartel dituzte, eta Oviedoren aurka bosgarrena jasoz gero ezingo dute jokatu hurrengo partiduan. Roberto Rios, Joseba Etxebarria, Julen Guerrero, Iñigo Larrainzar, Josu Urrutia eta Bittor Alkiza daude egoera horretan. Atzoko entrenamenduari dagokionez, Txomin Nagorek kideekin batera jardun zuen aurreko egunean gripeak jota egon ondoren. Zuri-gorriek gaur goizean egingo dute asteko azken saioa Lezaman. X

Arkote, Portugalete eta Donibaneko nagusi trainerilen estropadetan

■ Bizkaikoak Areetan izango dira lehen gaur, eta gipuzkoarrak bihar Hondarribian

Ramon Basaldua / Bilbo

IRABAZLE bi izan ziren atzo Areetan jokatu zen Bizkaiko trainerilen ligako lehen jardunaldian. Arraroa bada ere, Arkote B eta Portugalete A untxiek denbora bera egin zuten, 14-22-07 minutu hain zuzen. Bermeoko Arraun Elkarteko B untxia izan zen hirugarren lau segundora, Isuntza C eta Bermeo Cren aurretik. Esan beharra dago atzoko estropada Plentzian jokatzekoa zela. Azkenean Areetara eramatea erabaki zute Federaziokoek, itsasoaren egoera dela eta. Gaur Ligako bigarren estropada jokatu behar zen Ondarroan, baina Areetan jokatu da.

Gipuzkoako trainerilen ligako laugarren jardunaldia jokatu zen atzo Getariako uretan. Pasai Donibaneko Donibaneko A untxiak egin zuen denborarik onena. Hondarribia A izan zen bigarren 7 segundora, Orio A hirugarren 1,1 segundora, eta Zumaia laugarren 23 segundora. Getariako trainerila nagusitu zen gazte mailako estropadan. Gainera, getariarrek 27 segundoko aldea kendu zioten bigarren izan zen Illunberri. San Pedro izan zen hirugarren eta Fortuna laugarren. Azpimarratzekoa da itsasoaren egoera kaskarra izan zela Getariako estropada eremuan. Gipuzkoako ligako bosgarren estropada jokatu da bihar goizean Hondarribian. Parte-hartzaileek erlojuaren kontra jardungo dute. Bestetik, bihar goizean omenaldia egingo diote Luis Mari Lasurtigiri. 1984an Los Angelesko Joko Olinpikoetan zilarrezko domina eskuratu zuen. Donostiako Ur Kirolak taldeak antolatu du omenaldia. X



EUSKO JAURLARITZA
GOBIERNO VASCO

Kultura Sailak diruz
lagundutako egunkaria